

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u skladu sa članovima 8. i 9. Pravilnika o akreditaciji visokoškolskih ustanova na području Zeničko-dobojskog kantona („Službene novine Zeničko-dobojskog kantona“, broj 4/12 i 13/13), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 146. sjednici, održanoj dana 30.01.2014. godine, d o n o s i

O D L U K U

o utvrđivanju visine troškova postupka akreditacije visokoškolskih ustanova na području Zeničko-dobojskog kantona

Član 1.

(Predmet Odluke)

Ovom odlukom utvrđuju se troškovi postupka institucionalne akreditacije visokoškolskih ustanova na području Zeničko-dobojskog kantona.

Član 2.

(Troškovi postupka akreditacije)

(1) Troškovi provođenja postupka akreditacije finansiraju se iz vlastitih sredstava osnivača visokoškolske ustanove, a koje obavezno osigurava podnosilac zahtjeva za akreditaciju.

(2) Troškovi postupka akreditacije univerziteta iznose 20.000,00 KM.

(3) Troškovi postupka akreditacije visoke škole iznose 15.000,00 KM.

Član 3.

(Uplata sredstava za realizaciju postupka akreditacije)

Sredstva za provođenje postupka akreditacije uplaćuju se na depozitni račun Zeničko-dobojskog kantona kod IK banke d.d. Zenica, broj: 134-010-0000001672, vrsta prihoda 722612 – prihodi kod pružanja usluga pravnim licima, s obaveznom naznakom budžetske organizacije 2201001, te naznakom šifre općine: 103 (Zenica).

Član 4.

(Raspoređivanje sredstava za realizaciju postupka akreditacije)

(1) Sredstva se raspoređuju na troškove naknade za rad predsjednika i članova komisije stručnjaka i ostale troškove.

(2) Troškovi rada predsjednika i članova komisije stručnjaka za akreditaciju univerziteta iznose:

a) neto naknada za predsjednika komisije stručnjaka.....2.000,00 KM

b) neto naknada za člana komisije stručnjaka.....1.500,00 KM

c) neto naknada za sekretara komisije stručnjaka1.800,00 KM

(3) Troškovi rada predsjednika i članova komisije stručnjaka za akreditaciju visoke škole iznose:

a) neto naknada za predsjednika komisije stručnjaka..... 1.500,00 KM

b) neto naknada za člana komisije stručnjaka.....1.000,00 KM

c) neto naknada za sekretara komisije stručnjaka1.200,00 KM

(4) Sekretara imenuje predsjednik iz reda članova komisije stručnjaka.

(5) Ostale ukupne troškove u neto iznosu od 1.000 KM po članu komisije za akreditaciju univerziteta, odnosno u neto iznosu od 800 KM za visoku školu, čine: putni troškovi, troškovi smještaja te drugi neophodni troškovi koji omogućavaju nesmetan rad komisije stručnjaka.

Član 5.
(Stupanje na snagu)

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-_____ /14.

Datum, 30.01.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.